

DANIA.

103

Roeschildensi & ab omnibus Senatoribus, primo illi corona imponitur, qui Majestati suae tunc juramentum praestant, si ante coronationem non fuerit factum. Rex postea ex nobilitate & proceribus milites aut equites auratos leni percussione ensis designat, qui antea in bello aut pace egregiam operam praestiterunt. Et sic majores Danorum optimium Politiae statum & Monarchiam constituerunt, nec ulla unquam natio illos plane subegit, vel patrios ritus & privilegia sustulit. At contra populi Septentrionales, ut Dani, Sueci, ac Norwagenses totam partem Europam devastarunt, in nonnullisque locis Regna constituerunt. Nota est enim omnibus Historiographis Cimbrorum in Italiam expeditio, Gothorum Hispaniae subactio, Longebardorum regni in Italia constitutio, Normannorum in Gallia habitatio, Regni Neapolitani & Siciliae erectio, Gotfridi contra Carolum magnum in Frisiam eruptio, Anglorum per aliquot annos subjectio. Canutus etiam Magnus quinque Imperia tenuit, Rex enim Daniae, Sueciae, Norwegiae, Angliae, ac Normanniae fuit, nec non Henrici 3 Imperatoris socer, unde hi versus exstant.

*Desine mirari quos garrula laudibus effert
Gracia, quos jactat Roma superba, Duces.
Danica non ulli veterum virtute secundum.
Edidit, hyberno terra propinqua freto.
Facta mihi Magni pepererunt inclita nomen:
Quinque sub Imperio Regna fuere meo.
Me sibi delegit socerum, qui tertius orbis
Arbiter, Henricus nomine sceptrum tulit.
Iustitia praclarus eram, Regesque potentes
Subiectos docui legibus esse suis.*

Ex

